

## **E puraňi phurd**

Le Karoliskeri phurd hiňi mekpuraneder phurd, so terđol predal e len Vltava. Hiňi 515,76 metri d'ind'ard'i the 9,40 dži 9,50 metri buchli. Kerd'i hiňi dešušovecna oblukenca the duje ve ženca. Pro Čechi oda hin o štarto baruno phurđaskero ačhaviben - pal la Juditakeri phurd, e Písecko the e Roudnicko phurd.

Mek puraneder sar le Karloskeri phurd has e phurd la Juditakeri. Prahate la diňa te ačhavel o thagaris, o Vladislav I., pal o berš 1158 vaš e puraňi kaštuňi phurd, so odoj akor terđolas u jekhetaňarlas e Cikňi sera le Purane Foroha. Mukla te vičinel pal peskeri romňi. Aľe so pes na ačhiľa - la Juditakeri phurť čhidľa tele o baro paňi, u akana kampelas te ačhavel nevi phurd – bje late pes na doresenas o manuša predal e Vltava ko thagaris pro Prahakero burkos.

Vaš oda o thagaris, o Karolís IV., vičindľa bare astrologen, kaj leske te phenen kana, pre savo d'ives pes kamel te kerel e nevi phurd, kaj o ačhaviben te džal mištes u kaj e nevi phurd but berš te ľikerel. Phende leske. O thagaris diňa pre lengere godaver lava u korkoro peskere vasteha thoďa o peršo bar pre Karoliskeri phurd - d'ivese 9. 7. andro berš 1357, puntošne pandže orendar the tranda the jekha minutenca. E nevi baruňi phurd ačhavelas o hirošno Petr Parlěř. Has dokerďi až andro berš 1402. Aľe akor na dičholas, sar adad'ives – na has pre late ňisave sochi. O sochi pre late chudle te thovel až andro 17. šelberš. Kana sas e phurd a čhaďi, akor mek lake phenenas ča „baruňi“ abo „Prahakeri“ phurd. Aľe nasigeder, avka varekana pašal o berš 1870 pes imar diňa andre godi sar „Karoliskeri phurd.“